



*Rabu, 10 Agustus 2022*  
**Ogen: Kuan-kuanen 3:19-22**



**Njagal Kegeluhén Doni**



Tanggal 10 Agustus tep-tep tahunna iinget jadi 'hari konservasi alam nasional' (HKAN). Si ertina wari iperingeti guna sada usah ngelindungi, njagai sumber daya alam gelah ncukupi keperluan kegeluhen kerina tinepa (mahluk hidup). Konservasi alam filsafat moral ras gerakan perlindungan erbage jenis tinepa i bas doni enda ijagai gelah ula keru (bene/punah). Janah iarapkan, sabap doni enda enggo itepa Dibata gelah kerina si itepana nggeluh alu mehuli. Dingen tercukupi kerina keperlunna. Arah peringeten enda iarapkan masyarakat banci berperan aktif mpekena kena ekosistim.

*Tentuna enda labo nukah, sabab keleng ate nandangi kegeluhen doni enda erlawanen ras sura-sura, kerangapen manusia guna dirina saja alu la ngukuri kegeluhen kalak sideban termasuk pe tinepa sidebanna. E maka renungenta wari enda ngajuk kita guna tole erlajar ku bas kepentaren Dibata. Sabap doni enda itepa alu mehuli alu kepentaren Dibata, janah pe arus ipekena-kena ras ipakeken alu kepentarena jine. Adi lang, labo banci mehuli tinepa enda.*

Kitab Kuan-kuanen enda nuriken maka Tuhan njadikan doni enda alu kepentarena, alu kebeluhenna icibalkenna kerina tinepa enda i bas inganna. Subuk kerina barang i bas langit ras lau i teruh taneh. Tentuna e kerina bagin i bas ngkuhi kegeluhen doni enda.

Kerina si itepa Dibata enda, tangkas iidah manusia kuga ulina, kuga perluna. Dikune la ijagai rikut ras njagai geluhta banci saja i bas paksana lanai terpergunakan, enggo ceda, alu bage mabai maka kegeluhen doni enda pe enggo 'timbang', lit si la kuh. E maka perlu kal si buat baginta guna njagai 'sumber daya alam' gelah kerina si nggeluh tetap mejuah-juah, ermeriah ukur naksiken kuga belinNa Dibata arah tinepaNa.